



ძირითადი პარამეტრების ცხრილი

პარამეტრი

მასალა

ემისიის კლასი

ფილის სისქე

სიმკვრივე

წიბო

მოთხოვნა

ლამინირებული MFC / მზფ

არანაკლებ E1

არანაკლებ 18 მმ

არანაკლებ 580 კგ/მ³

ABS არანაკლებ 2 მმ (ყველა ხილული კიდე)

კუთხეები

თაროები

ცენტრალური ნაწილი

სახურავი

არანაკლებ R10 მომრგვალება ან მართი კუთხეების შემთხვევაში
სილიკონის ან ეკვივალენტური მასალის დამცავები

ღია განყოფილებები ორივე მხარეს

გასასვლელი/ჭიმკარი

1 შემადღებული სექცია

სათამაშოების ღია თაროების კომპლექტი სახლის დეკორით (ცენტრი სახლი)

1. ზოგადი მოთხოვნები

თაროების კომპლექტი უნდა იყოს განკუთვნილი საბავშვო ბაღებში ყოველდღიური ინტენსიური გამოყენებისთვის და უნდა გამოირჩეოდეს მაღალი სიმტკიცით, სტაბილურობით, უსაფრთხოებითა და მარტივი მოვლა-დასუფთავების შესაძლებლობით.

კონსტრუქცია ექსპლუატაციის პროცესში არ უნდა ირყეოდეს, უნდა ინარჩუნებდეს ფორმისა და გეომეტრიის სტაბილურობას და უძლებდეს ყოველდღიურ მექანიკურ დატვირთვებს.

თაროების კომპლექტი უნდა იყოს ახალი და მომხმარებელს უნდა ჩაბარდეს სრულად აწყობილი სახით.

სათამაშოების ღია თაროს ყველა უნდა იყოს ისე დამუშავებული, რომ იყოს უსაფრთხო და ტრავმის რისკისგან დაცული. დაუშვებელია, რომ პროდუქტს ჰქონდეს:

- ბასრი კუთხეები, წიბოები ან ტრავმის გამომწვევი ზედაპირები;
- გამოშვებული ხრახნები, სამაგრები ან სხვა საფრთხის შემცველი ელემენტები;
- ბზარები, აშრელებული ლამინატი, დეფორმირებული ან დაზიანებული ზედაპირები;
- დაზიანებული, აცლილი ან ნაწილობრივ ამძვრალი წიბო;
- უხეში ან არასათანადოდ დამუშავებული ადგილები;
- მორყეული, დაზიანებული ან არასაიმედოდ დამაგრებული დეტალები.

ყველა გარე კუთხე და ბავშვისთვის ხელმისაწვდომი ღია კიდე უნდა იყოს მომრგვალებული და უსაფრთხოდ დამუშავებული ბავშვთა გამოყენებისთვის.

კონსტრუქცია უნდა იყოს ბავშვებზე მორგებული, უსაფრთხო, ვიზუალურად ესთეტიკური და გამძლე.

2. ზომები და კონსტრუქცია

ცენტრი სახლი უნდა წარმოადგენდეს L-ფორმის მოდულურ სათამაშო/სასწავლო ცენტრს, რომელიც შედგება:

- ორი ექვსგანყოფილებიანი თაროსგან
- ერთი შემადგენელი სახურავის სექციისგან, რომელსაც აქვს ჭიშკრის ფუნქცია.

კონსტრუქცია უნდა იყოს სივრცობრივად გახსნილი, ბავშვებისთვის უსაფრთხო და გათვლილი სათამაშო/სასწავლო ზონირებისათვის.

კონსტრუქცია უნდა შეესაბამებოდეს ნახაზის კონცეფციასა და განლაგების პრინციპს.

ზომები ექვსგანყოფილებიანი თაროსთვის:

- სიგრძე — არანაკლებ 97 სმ;

- სიღრმე — არანაკლებ 33 სმ;
- სიმაღლე — 60–65 სმ;

თაროების შიდა ზომა:

- თითოეული თაროს სიგანე — არანაკლებ 30 სმ
- თითოეული თაროს სიღრმე — არანაკლებ 33 სმ
- თითოეული თაროს სიმაღლე — არანაკლებ 26 სმ

შესასვლელის (ჭიშკრის) განყოფილების ზომა:

- სიგანე — არანაკლებ 50 სმ
- სიღრმე — არანაკლებ 33 სმ
- სიმაღლე — არანაკლებ 150 სმ

სახურავის ელემენტები უნდა იყოს:

- მყარად დამაგრებული;
- სიმეტრიული;
- უსაფრთხოდ დამუშავებული;
- ბასრი წიბოების გარეშე.

3. ძირითადი მასალა

კონსტრუქცია უნდა დამზადდეს ავეჯის დანიშნულების მაღალი ხარისხის ლამინირებული მერქან-ბურბუშელოვანი ფილით (MFC / ლამინირებული მბფ):

- არანაკლებ E1 ემისიის კლასის;
- სისქით არანაკლებ 18 მმ;
- სიმკვრივით არანაკლებ 580 კგ/მ³.

გამოყენებული ფილა უნდა აკმაყოფილებდეს არანაკლებ E1 ემისიის კლასს.

ზედაპირი უნდა იყოს:

- რეცხვადი;
- დეზინფექციისადმი მდგრადი;
- მექანიკური დაზიანებისადმი გამძლე;
- ყოველდღიური სველი წმენდისათვის განკუთვნილი.

სველი წმენდისა და დეზინფექციის პირობებში არ უნდა აღინიშნებოდეს:

- ლამინატის აშრევება;
- ლამინატის დაბერვა;
- ზედაპირის მნიშვნელოვანი დაზიანება;
- წიბოს აცლა.

დასაშვებია ღია ტონალობის, ერთგვაროვანი ხის ფაქტურის შემდეგი იმიტაციებით: არყის ხე, ნეკერჩხალი, მუხის ხის ღია ტონი, აკაცია, ფიჭვი; დაუშვებელია მკვეთრად გამოხატული, კონტრასტული ან აჭრელებული ფაქტურის გამოყენება; საბოლოო ფერი და ფაქტურა უნდა შეთანხმდეს შემსყიდველთან ნიმუშის წარმოდგენის ეტაპზე.

4. კიდეების და კუთხეების დამუშავება

ლამინირებული მზგ-ს ყველა ხილული და უხილავი კიდე უნდა იყოს სრულად დაფარული ABS ტიპის პლასტმასის წიბოთი. ბავშვთან უშუალო კონტაქტში მყოფი ყველა ხილული კიდე სრულად უნდა იყოს დაფარული ABS ტიპის პლასტმასის წიბოთი არანაკლებ 2 მმ სისქით, ხოლო შიდა უხილავი კიდე - არანაკლებ 0.8 მმ სისქის წიბოთი.

წიბო უნდა იყოს ქარხნულად და სამრეწველო ტექნოლოგიით მყარად, თანაბრად და ხარისხიანად დამაგრებული, გლუვი, აშრეების, ბზარების და წებოს ხილული კვალის გარეშე.

გარე კუთხეები უნდა იყოს მომრგვალებული არანაკლებ R10 რადიუსით. მართი კუთხეების არსებობის შემთხვევაში ისინი უნდა იყოს დაცული ბავშვების უსაფრთხოებისთვის განკუთვნილი დამცავი ელემენტებით (მაგ., სილიკონის ან ეკვივალენტური მასალის დამცავებით), რომლებიც ექსპლუატაციისა და სველი წმენდის პირობებში არ უნდა სცილდებოდეს კონსტრუქციას.

ყველა ხილული ზედაპირი უნდა იყოს უსაფრთხოდ დამუშავებული, ბასრი დეტალები გარეშე.

სველი წმენდისა და დეზინფექციის პირობებში არ უნდა აღინიშნებოდეს:

- ზედაპირის დარბილება, აქერცვლა;
- წყლის შეწოვით გამოწვეული დეფორმაცია;
- წიბოს აცლა, აშრეება ან დეფორმაცია.

5. კონსტრუქციის აწყობა

კონსტრუქცია უნდა იყოს მყარი და სტაბილური. იგი დატვირთვის პირობებში არ უნდა ირყეოდეს, კარგავდეს სტაბილურობას ან განიცდიდეს დეფორმაციას.

ავეჯი უნდა აიწყოს ლამინირებული მზგ-სათვის განკუთვნილი სხვადასხვა სახის თვითმჭერი შურუფებით ან/და მინიფიქსებით (ექსცენტრიკული შემაერთებლებით). ნებისმიერი აწყობის ტიპი უნდა ითვალისწინებდეს ხის/პლასტმასის დუბელების (შკანტების) გამოყენებასაც, რათა გაიზარდოს შეერთების სიმტკიცე და თავიდან იქნას აცილებული კონსტრუქციის რყევა/დეტალის ჩატეხვა ექსპლუატაციის პერიოდში.

გამოყენებული სამაგრები არ უნდა იყოს გამოშვებული და არ უნდა ქმნიდეს ტრავმის რისკს.




ძირითადი მზიდი ელემენტები უნდა დამზადდეს მთლიანი ფილებისგან, გადაბმებისა და შეწებების გარეშე.

თაროები უნდა იყოს საკმარისად გამაგრებული, რათა ექსპლუატაციის პროცესში არ მოხდეს მათი ჩაღუნვა ან დეფორმაცია.

დახურული უკანა პანელი უნდა იყოს მყარად დამაგრებული კონსტრუქციასთან და უზრუნველყოფდეს დამატებით კონსტრუქციულ სიმყარეს.

6. საყრდენები / ფეხები

ფეხებს უნდა გააჩნდეს იატაკის დამცავი ელემენტები (ფეხის ქოშები, სილიკონის ან ქერის დამცავი ელემენტები), რომლებიც დაიცავს იატაკის საფარს დაზიანებისგან.



განლაგების ვარიანტები

